

### **Abstrak**

Semua bakal haji mematuhi peraturan yang sama semasa menunaikan rukun haji tetapi mempunyai tafsiran yang berbeza-beza tentang erti upacara amal tersebut. Perbezaan ini berkait rapat dengan bagaimana kisah-kisah suci dalam Islam dan kepercayaan tempatan diintegrasikan ke dalam rukun haji. Dipandukan kisah tentang dugaan Allah terhadap Nabi Ibrahim supaya meninggalkan isterinya, Hajar, di gurun yang gersang dan kemudiannya, menyembelih anaknya, Nabi Ismail, ramai bakal haji keturunan Melayu melihat ibadah tersebut sebagai satu cara untuk mengalami transformasi dari segi sifat, kebijaksanaan dan kealiman. Semasa menunaikan rukun haji, bakal haji berusaha melewati jasad dan hawa nafsu supaya hatinya tertumpu kepada Allah dan perintahnya. Selain itu, mereka juga berusaha mengenyahkan ketakutan dan keresahan supaya dapat berempati dengan misi dan pengalaman para rasul. Oleh itu, matlamat rukun haji bagi orang Melayu bukanlah untuk memperolehi kuasa dan kepentingan kebendaan. Yang mereka harapkan ialah suatu pengalaman keagamaan yang istimewa dan yang boleh menanam satu macam kesedaran keagamaan dalam diri mereka. Dengan kesedaran ini, bakal haji percaya mereka dapat menangani konflik dalaman dengan lebih berkesan dan menerima hakikat bahawa sesungguhnya rendah diri, ketekunan, dan kesamarataan itu sahaja yang boleh menyatupadukan ummah.

Kata kunci: Upacara amal, rukun-rukun haji, pengalaman keagamaan

### **Abstract**

*Muslim pilgrims the world over observe the same rules when performing the hajj but attach different allegorical meanings to the ritual depending on how local beliefs and understanding of Islamic myths are built into the ritual. Drawing on stories concerning the trials that God imposed on Prophet Ibrahim to abandon his wife, Hajar, and later, to sacrifice his son, Ismail, Malay pilgrims see in the hajj a means to achieve transformation for the better in terms of character, wisdom and individual piety. Throughout the haj process, a Malay pilgrim attempts to transcend his body and base desires so the heart stays focus on Allah. The main emotional work for him is to channel his fear and anxiety into a sense of determination so he can empathise with the missions and experiences of past prophets and be eternally grateful to Allah. Thus, the goal of the hajj to the Malays is not to acquire power or material benefits but a special experience which produces a stream of religious consciousness to allow them to come to grips with their inner conflict as well as recognise the integrative function of the values of equality, humbleness, perseverance and selflessness that Islam strongly upholds.*

*Key words: Ritual, hajj rites, religious experience*

---